

ROBERT A. UNDERWOOD
Box 3159 Hagatna GU 96932

Senadora Therese Terlaje,
Leheslaturan Guahan
Hagatna, GU

Buenas yan Hafa Adai,

Kon dangkolo na respetu, hu presenta giya hagu yan i membron i Lehislaturan Guahan i siniente-ku put i direchon i manChamorro para u ma disidi i destinon-niha. Sin hafa na dinida, gaige i islan Guahan gi presente na estao pulitikat ginen i fuetsan i taotao san hiyong ni' humalom yan maekstende i aturidat-niha. Taya' na mana'e' i Chamorro i upotunidad gi fotmat na manera para u ma'aksepta este.

En lugat di manmafaisen i Chamorro, ma aplika i lai, i sistema yan i fuetsan-niha para u mana'siguru na nigai'an na u mana'e' i Chamorro este na upotunidad. Estaguiya i sustansia-na i disision gi kaosan Sinot Davis gi Kotten Fidirat. Manhalom, ma'establesi i autoridat-niha, pues manega i kinalamten i taotao yan masangani hit na yanggen un espiha hafa na remedi u para i linachen-niha, siguru na mahala halom i agaga'-mu gi me'nan i hues yan masangani hao na hago mismo lache.

Pues dibi di ta petsigi este na kaosao gi kotten fidirat yan ta apela i disision. Ti siguru yu' kao maolek humuyong-na este na chalan i kotten fidirat, lao siguru yu' na debi di ta chagi sa' gi presente esti na gaige i lugat annai sina ta na'tungo' i otro siha na taotao put i kinalamten i taotao-ta.

Si Yu'os ma'ase' nu i resulasion-mu yan puede ha' u ma'apreba nu i entiriru i lehislatura,

Si Robert A Underwood